



## Publicaziuns dalla vischnaunca, jamna 20

### Damondas da baghegiar

#### 2021-1035.000

##### Datum dalla publicaziun: 21 da matg 2021

Il patrun: Recal AG, Via dalla Stampa 8, 7180 Disentis/Mustér

Object: Colligiaziun da lingias da calira, parcella 682, Via Alpsu 21, 7180 Disentis/Mustér.

#### 2021-1036.000

##### Datum dalla publicaziun: 21 da matg 2021

Il patrun: Recal AG, Via dalla Stampa 8, 7180 Disentis/Mustér

Object: Colligiaziun da lingias da calira, parcella 766, Via Gonda 6, 7180 Disentis/Mustér.

#### 2021-1037.000

##### Datum dalla publicaziun: 21 da matg 2021

Il patrun: Caviezel Manfred, Via Acletta 10, 7180 Disentis/Mustér

Object: Dislocaziun dils moduls termics dil tetg sil balcon, nova cuvrada dil tetg (nord) e cun moduls fotovoltaics (sid), parcella 1320, Via Acletta 10, 7180 Disentis/Mustér.

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

Disentis/Mustér, ils 21 da matg 2021

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2021-2038.000

Proprietad en condomini parcella 563, Walter Stoffel, Rue de la Borye 19, 1700 Fribourg; sanaziun dils tgamins, parcella 563, Via Clis 23, 7180 Disentis/Mustér.

#### Nr. 2021-2039.000

Vischnaunca Disentis/Mustér, Via Cons 2, 7180 Disentis/Mustér; modificaziun dil terren (temporar), parcelas 2659 e 2663, Plaunca-Su e Pardi, 7186 Segnas.

#### Nr. 2021-2040.000

Esther ed Andri Hendry-Decurtins, Via Chischliun 12, 7180 Disentis/Mustér; sanaziun dil tetg, installaziun cundrez fotovoltaic, parcella 994, Via Chischliun 12, 7180 Disentis/Mustér.

#### Nr. 2021-2041.000

Societad sempla Cons-Sut, Silvio Lechmann, Via Cons-Sut 5, 7180 Disentis/Mustér; sanaziun dalla cuschina ell'emprema alzada, parcella 684, Via Cons-Sut 5, 7180 Disentis/Mustér.

#### Nr. 2021-2042.000

Andreas Wild, Via Cons-Sut 1, 7180 Disentis/Mustér; construcziun d'ina era aulta – modificaziun dil terren, parcella 687, Via Cons-Sut 1, 7180 Disentis/Mustér.

Disentis/Mustér, ils 21 da matg 2021

*Uffeci da baghegiar Disentis/Mustér*

---



### Cussegl da vischnaunca

Ils cussegls da vischnaunca da Tujetsch e Mustér seradunan **venderdis, ils 21 da matg 2021**, allas 20.15 el Center Fontauna a Mustér.

#### Tractandas:

1. Beinvegni
2. Introducziun entras ils presidents communalis
3. Presentaziun dalla carta da hosps (SDT) e la nova carta per indigens (vischnauncas)
4. Informaziuns e posiziun dad Andermatt Sedrun Disentis Marketing AG (Bergbahnen Disentis AG ed Andermatt Sedrun Sportbahnen AG)
5. Cuorta introducziun messadi
6. Debatta d'entrada e detagliada comunabla (vischnaunca da Mustér e Tujetsch)
7. Decisiun (vischnaunca Tujetsch)
8. Decisiun (vischnaunca Mustér)
9. Finiziun

*Il president dil cussegl da vischnaunca*

---

### Cussegl da vischnaunca

Il cussegl da vischnaunca seraduna **venderdis, ils 28 da matg 2021**, allas 20.15 en halla Cons.

#### Tractandas:

1. Protocol 3-2021/2024
2. Center Fontauna (CF): Credit per l'installaziun d'indrezs per la protecziun encunter incendis (messadi nr. 9-2021/2024)
3. Moziun davart la purschida da glatsch – Sclarir variantas pli favoreivlas ed attractivas (moziun M1-2017/2020)
4. Moziun davart segirar la via cantunala sin il tschancun «las Ruinas» (moziun M2-2017/2020)
5. Moziun «Avertura Val Segnas–Val Sogn Placi» (moziun M3-2017/2020)
6. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

### Administraziun communal

Muort il firau da **gliendisdis Tschuncheismas, ils 24 da matg 2021**, resta l'administraziun communal serrada quei di.

Bien engraziament per Vossa capientscha.  
*Administraziun communal*

---

### Serrada vias d'uaul muort lavurs da construcziun

Duront il temps da baghegiar ston ils tschancuns dils plazzals da construcziun vegnir serrai pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari el liug. Il stan actual davart las restricziuns vegn communicaus silla pagina d'internet [www.disentis.ch/strassen](http://www.disentis.ch/strassen). Muort ils plazzals pretensius sa ei dar midadas dallas restricziuns da traffic era a cuorta vesta.



### **Plaun Menisch: Plaunca Su–Pardi**

Da Plaunca Su entochen Pardi resta la via serrada entochen igl atun. Per contonscher ils mises a Plaun Menisch exista la pusseivladad da carrar sur la Val da Segnas. Impressari: Berther Bau und Industrie AG, Ibrahim Bajraktaraj, 079 433 13 10.

### **Val Runtget: Cavardiras–Caischavedra**

La via ei serrada suenter l'Acla da Runtget entochen las Aclas da Cavardiras. Las lavurs cuozan entochen ils 18 da zercladur 2021. Gest tenor avanzament dallas lavurs sa la via vegnir dada libra durant certas fins d'jamna. Durant las lavurs da scavament ei quei denton buca pusseivel. Impressari Ribbert AG, Marco Graber, 079 247 97 01.

### **Via Run: Marietta–Plaun Tir**

Naven dalla Marietta entochen Sils Bletschs ei la via serrada naven da gliendisdis, ils 17 da matg 2021 entochen ils 25 da zercladur 2021. Impressari Josef Gall, 079 216 07 51. Las reparaturas vid la via naven dalla Truaisch entochen la tegia da Plaun Tir vegnan exequidas naven da miez zercladur entochen la fin d'uost 2021. Igl access sin quei tschancun ei sulettamein pusseivels pil traffic plaun.

### **Via Cavorgia: Mises las Cavorgias–Camacher–Riada**

Muort la situaziun da neiv ei il termin per entscheiver cullas lavurs da reparatura aunc buca definitius. Nus supplichein da prender enconuschientscha da quest avis ed engraziein per la capientscha.

*Uffeci forestal Disentis/Mustér*

---

### **Via Run e Via Funs-Dado**

#### **Serrada muort cuvrida fina**

Deplorablamein han ils termins per realisar la cuvrida fina per la Via Run e la Via Funs-Dado ch'ei vegni communicai els davos «Fegls officialas» buca saviu vegnir risguardai, perquei che l'aura resp. las temperaturas han buca lubiu d'exequir las lavurs sco communicau. Actualmeins lubescha il svilup dall'aura buca da comunicar termins exacts, cura che quellas lavurs san vegnir realisadas. Nus sespruein d'informar vischinas e vischins aschispert sco pusseivel. Quei vegn denton succeder pér a cuort termin.

Bien engraziament per l'enconuschientscha e capientscha.

*Uffeci da baghegiar ed infrastruttura*

---

### **Nova porschida: Bus da clom dalla damaun**

La suprastanza communal ha decidu da separticipar vid la nova porschida d'in bus da clom dalla damaun che la vischnaunca da Tujetsch ha instradau.

In e scadin ha la pusseivladad da reservar in plaz el bus da clom sur ils canals digitals SMS ni WhatsApp (nr. da telefon: 079 681 76 23), quei mintgamai entochen la sera avon allas 22.00. Suenter las 22.00 vegnan neginas rezervaziuns pridas encunter pli.

#### **Partenza naven:**

Mumpé Tujetsch, Via Alpsu	5.48
Segnas, plaz-scola	5.49
Acla da Fontauna, Center Fontauna	6.02
Arrivada Mustér staziun	6.05
Partenza tren	6.15

Porschida: Gliendisdis entochen venderdis. La rezervaziun ei obligatoria. Igl urari detagliu ei publicaus sin nossa pagina-web [www.disentis.ch](http://www.disentis.ch).

*Suprastanza communal*



### Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni administraziuns d'immobillas che han pigl 1. da zercladur 2021 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **4 da zercladur 2021**.

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein pil di da controlla (01-06-2021) vitas, denton habitablas e
- ch'ein pil di da controlla (01-06-2021) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.  
*Administraziun communal*

---

### Controlla da habitonts

#### Mortori

De Jesus Pimenta Luis Daniel, naschius ils 3 da matg 2002, morts ils 15 da matg 2021.

---

### Tir campester cun pistola

**Venderdis, ils 28-5-2021** naven dallas 18.30–20.30 e **sonda, ils 29-5-2021** naven dallas 13.00–17.00 ha liug el stan da sittar a Sars Sut a Mustér il tir campester cun pistola.

Il tir ei per tuts gratuits ed armas ein a disposiziun.

*Club da pistola Cadi*

---

### Di svizzer da preleger

**Mesjamna, ils 26-5-2021**, ha liug il Di svizzer da preleger gia per la quarta ga. L'autura indigena Sabrina Venzin prelegia ord siu cudisch «Tomo va a scola».

Cu? allas 14.00

Nua? en la Biblioteca populara Disentis/Mustér e contuorn

Tgi? per affons che teidlan bugen historias

Nus supplichein da s'annunziar entochen ils 25-5-2021 sut [biblioteca@disentis.ch](mailto:biblioteca@disentis.ch). Il diember da plazs ei limitaus. Senza accumpignament. Nus selegrein sin tia viseta!

*Il team dalla biblioteca populara Disentis/Mustér e contuorn*

---

### Pro Junior Cadi / Acziun da stad 2021

Era uonn purschein nus puspei l'acziun da stad per ils affons entochen 16 onns.

Ulteriuras informaziuns ein sin la pagina da Pro Junior Cadi: [www.projuniorcadi.ch](http://www.projuniorcadi.ch)

---



## Retscherca davart las uras d'avertura dalla biblioteca

### Vies meini ei impurtonts per nus!

Nus lein examinar nossas uras d'avertura ed eventualmein augmentar ellas. Cun Vies meini gideis Vus nus d'adattar nossas uras d'avertura a Vos giavischs. Il questunari anfleis Vus sin [www.biblioteca-disentis.ch](http://www.biblioteca-disentis.ch). Quel sa vegnir emplenius ora online ni vegnir squitschus e daus giu en biblioteca. Questunaris survegnis Vus era en biblioteca. Nus selegrein da Vossa participaziun **tochen ils 30 da matg 2021**. Denter ils participonts **targein nus la sort per treis abonnaments da famiglia dalla Biblioteca populara Disentis/Mustér e contuorn**.

Engraziel fetg per Vies agid!  
*Vies team dalla biblioteca*

---

## Umfrage zu den Öffnungszeiten der Bibliothek

### Ihre Meinung ist uns wichtig!

Wir möchten unsere Öffnungszeiten überprüfen und eventuell erweitern. Mit Ihrer Meinung helfen Sie uns, unsere Öffnungszeiten Ihren Wünschen anzupassen. Den Umfragebogen finden Sie auf [www.bibliotecadisentis.ch](http://www.bibliotecadisentis.ch). Dieser kann online ausgefüllt oder ausgedruckt werden. Fragebogen liegen auch in der Bibliothek auf. Wir freuen uns über Ihre Teilnahme **bis zum 30. Mai 2021**. Unter allen Teilnehmenden verlosen wir **drei Familienabos der Biblioteca populara Disentis/Mustér e contuorn**.

Vielen Dank für Ihre Mithilfe!  
*Ihr Bibliotheksteam*

---

## Uniun da dunnas Mustér

### Preziadas dunnas

Suenter in temps da spitgar giu essan nus sedecididas da far la radunonza generala **ils 18-6-2021** allas 20.00 ella halla Cons, e quei cul concept da segirtad che vegn pretendius.

Cunquei che l'elecziun dalla nova presidenta ha liug uonn, eis ei in grond giavisch da nus ch'ei detti ina radunonza generala. Nus supplichein vus da s'annunziar entochen ils 11-6-2021 tier:

Katrin, 076 578 09 04  
Sandra, 076 381 26 27  
[uddm@bluewin.ch](mailto:uddm@bluewin.ch)

Nus selegrein d'astgar far beinvegni a vus.  
Cordials salids *Katrin, Sandra, Manuela e Leslie*

### Liebe Frauen

Nach langem Hin und Her haben wir uns dafür entschieden, die GV **am 18.6.2021** um 20.00 Uhr in der Halle Cons mit dem erforderlichen Schutzkonzept durchzuführen.

Da dieses Jahr die Wahl einer neuen Präsidentin stattfindet, ist es uns ein Anliegen, die GV durchzuführen. Wir bitten euch um eine Anmeldung bis 11.6. bei:

Katrin, 076 578 09 04  
Sandra, 076 381 26 27  
[uddm@bluewin.ch](mailto:uddm@bluewin.ch)

Wir freuen uns auf euer Kommen.  
Herzliche Grüsse *Katrin, Sandra, Manuela und Leslie*